

اورمیه دریاچاسی نین نجاتی، خردادین ایکینجی یاریسیندان باشلیر

شرقی آذربایجان استانداری خردادین ایکینجی یاریسیندان اورمیه دریاچاسی نین نجات طرحی نین باشلانماسینی گؤزلدیگینی دئماغینان آرتیردی: استانین فرهنگی- اجتماعی شوراسی مرکزی شورانین تصویبی اینن تشکیل تاپیب.

فارسین تبریزدن وئردیغی خبره گؤره، جبارزاده اورمیه دریاچاسی نین نجات جلسه سینده دندی: دکتر کلانتری نین و ایش بیلن دسته لری گنجه- گوندوز تلاشلاری سایه سینده، بو گون دریانین قورتولماسینا اینانیروق. او آرتیردی: شرقی آذربایجان بونون اجرایی دستگاهلار و مسئوللاری تمام گوجلری اینن اورمیه دریاچاسی نین نجات ستادی نین کناریندا یلار و بو طرحین اجرا ایشلری نین خردادین ایکینجی یاریسیندان باشلاماسینی گؤزلوروق. جبارزاده آرتیردی: بو شورا اوج شمال غرب استانلاریندا تشکیل تاپیب و شرقی آذربایجاندا 29 ثابت عضوی وار. مربوطه دستگاهلارین اجرایی مدیرلری، مجلس و استان شوراسیندان نماینده لر، غیردولتی تشکیلاتلاردان و محلی آغ ساققاللاردان نماینده لر، دانشگاهدان و ایکینجیلیق بؤلوموندن نماینده لر و ایکی نفر حقیق و یا حقوقی شخصیت استادارین انتخابی اینن بو شورانین عضولری دیلر.